

INFO@HEPA

# KURSUS KEMAHIRAN KOMUNIKASI, SOFTSKILLS MAHASISWA & MAHASISWI TAHUN AKHIR UNIMAP

Di atas kesedaran dalam usaha untuk memperkasakan dan memantapkan lagi kemahiran komunikasi bagi mahasiswa/i Tahun 4 UniMAP dan seterusnya bakal graduan UniMAP, Satu Kursus Kemahiran Komunikasi telah dianjurkan oleh Pusat Kemahiran Komunikasi dan Keusahawanan (PKKK) UniMAP. Kursus ini mendapat kerjasama daripada Sekretariat Rakan Pendamping Siswa (RPS), Jabatan Hal Ehwal Pelajar dan telah dilaksanakan pada 12 dan 13 Januari 2008 yang lalu. Kursus Kemahiran Komunikasi ini juga merupakan kursus ke 6 dalam Program RPS 7 Pillars dan telah dihadiri oleh seramai 570 orang mahasiswa & mahasiswi Tahun 4 atau Tahun Akhir UniMAP.

Kursus ini bermula dengan slot Executive Talk pada 12 Januari bertempat di Dewan Kapitol UniMAP, Kangar dan telah dihadiri oleh Yang Berusaha Encik Mohd Najmuddin bin Mohd Hassan, Dekan Jabatan Hal Ehwal Pelajar dan Alumni dan Yang Berusaha Tuan Haji Huzili bin Hussin, Dekan Pusat Kemahiran Komunikasi dan Keusahawanan. Slot Executive Talk ini telah disampaikan oleh Yang Berbahagia Dato' Azman Ujang, Pengurus Besar BERNAMA. Dalam Executive Talk ini Yang Berbahagia Dato' Azman Ujang telah berkongsi segala tips-tips berkaitan dengan kemahiran komunikasi terutamanya berkaitan dengan komunikasi dalam organisasi pekerjaan. Penceramah seterusnya adalah Puan Suraya Deraman dari Universiti Utara Malaysia (UUM) turut memberikan fokus kepada teknik penyampaian komunikasi yang berkesan.

Seterusnya pada 13 Januari slot seterusnya bagi Kursus Kemahiran Komunikasi telah diadakan di Dewan Kuliah Pusat Kejuruteraan Automart, Kuala Perlis. Antara penceramah-penceramah yang telah diundang bagi menjayakan kursus 2 hari ini adalah Encik Sandrasegaran R. Subramaniam dari MAS, Puan Zahidah binti Abdul Jalil dan Puan Sharifah Sazliha binti Sulaiman dari Institut Tadbiran Negara (INTAN). Penceramah-penceramah ini telah memberikan penekanan terhadap kaedah-kaedah berkomunikasi dengan lebih berkesan dan dengan teknik-teknik yang betul

